

RESOLUCIÓN REITORAL DE 31 DE XULLO DE 2023 DE MODIFICACIÓN DA CONVOCATORIA DE MATRÍCULA PARA ESTUDOS OFICIAIS DE POSGRAO DA UNIVERSIDADE DE VIGO, PARA O CURSO ACADÉMICO 2023/24

O cambio na normativa que regula as ensinanzas oficiais de doutoramento coa publicación do Real Decreto 576/2023, de 4 de xullo, polo que se modifica o Real Decreto 99/2011, de 28 de xaneiro, implica cambios nos requisitos de acceso e admisión aos estudos de doutoramento na Universidade de Vigo que se trasladan á convocatoria de matrícula en estudos de posgrao mediante esta resolución.

Por outra banda, advertidos erros na convocatoria de matrícula dos estudos oficiais de posgrao para o curso 2023/2024, de data 23 de maio de 2023, procedese a efectuar as oportunas rectificacións.

Realízanse, polo tanto, as seguintes modificacións na convocatoria de matrícula:

1.- Na páxina 15, apartado I.7.1 onde dice *“Para o segundo cuadrimestre o prazo será entre o 8 e o 12 de febreiro de 2024”* debe dicir *“Para o segundo cuadrimestre o prazo será entre o 5 e o 9 de febreiro de 2024”*. (erro)

2.- Na páxina 18, o apartado II.1.1.2 queda do seguinte xeito (modificación normativa):

- *II.1.1.2 Así mesmo poderán acceder quen se atope nalgún dos seguintes supostos:*
- *a) Estar en posesión de títulos universitarios oficiais españois ou títulos españois equivalentes sempre que se superaron, polo menos, 300 créditos ECTS no conxunto destes ensinos e acreditar un nivel 3 do Marco Español de Cualificacións para a Educación Superior.*
- *b) Estar en posesión dun título obtido conforme a sistemas educativos estranxeiros pertencentes ao Espazo Europeo de Educación Superior (EEES), sen necesidade da súa homologación, que acredite un nivel 7 do Marco Europeo de Cualificacións sempre que devandito título faculte para o acceso a estudos de doutoramento no país de expedición do mesmo. Esta admisión non implicará, en ningún caso, a homologación do título previo do que estea en posesión o interesado nin o seu recoñecemento a outros efectos que o do acceso a ensinos de doutoramento.*
- *c) Estar en posesión dun título obtido conforme a sistemas educativos estranxeiros alleos ao EEES, sen necesidade da súa homologación, previa comprobación pola universidade de que este acredita un nivel de formación equivalente á do título oficial español de Máster universitario e que faculta no país de expedición do título para o acceso a estudos de doutoramento. Esta admisión non implicará, en ningún caso, a homologación do título previo do que estea en posesión o interesado nin o seu recoñecemento a outros efectos que o do acceso a ensinos de doutoramento.*

- d) *Estar en posesión doutro título de Doutora ou Doutor.*
- e) *Igualmente poderán acceder os titulados universitarios que, previa obtención de praza en formación na correspondente proba de acceso a prazas de formación sanitaria especializada, superasen con avaliación positiva polo menos dous anos de formación dun programa para a obtención do título oficial dalgunha das especialidades en Ciencias da Saúde.»*

Para os efectos de establecer a equivalencia dos créditos de titulacións de países alleos ao EEES con créditos ECTS un curso académico completo dun título universitario oficial de países alleos ao EEES será considerado equivalente a 60 ECTS.

Nas titulacións españolas con certificacións emitidas en créditos LRU, terase en conta que 1 crédito LRU equivale a 1 ECTS. De non existir créditos a equivalencia será de 60 ECTS por curso académico.

Os títulos superiores de ensinanza artística e restauración, aínda que teñan equivalencia a grao ou licenciatura, non acadan o nivel III do MECES, polo que necesitan a superación de, alomenos, 60 ECTS de nivel de máster universitario oficial.

A área de posgrao do centro de adscrición do programa de doutoramento comprobará a documentación presentada para garantir o cumprimento dos requisitos de acceso a un doutoramento universitario. Ditos requisitos deben cumprirse na data de remate do prazo de preinscrición establecido, excepto no caso de solicitudes autorizadas á matrícula fora de prazo en doutoramentos que, rematados os procesos oficiais de preinscrición e matrícula, aínda teñan prazas vacantes, en que deberán reunir os requisitos no momento de formalizar a solicitude.

Excepcionalmente, poderase solicitar a admisión nun programa de doutoramento aportando a certificación de que vai realizar, ou ten realizada, a defensa do TFM, e entregando a certificación de ter superado o TFM no período de reclamación á lista provisional, sempre que o autorice a Comisión Académica do Programa de Doutoramento, e queden prazas vacantes en dito listado provisional.

3.- Nas páxinas 20 e 21, o apartado II.1.2.1 queda redactado do seguinte xeito (modificación normativa):

II.1.2.1 Admisión en Programas de Doutoramento regulamentados polo RD 99/2011 modificado polo RD 576/2023, de 4 de xullo.

Para ser admitida ou admitido nun Programa de Doutoramento regulamentado polo R.D. 99/201, modificado polo R.D. 576/2023, deberánse cumprir os requisitos xerais de acceso ([ver anexo XI](#)) e adscribir a súa solicitude a unha liña de investigación das contempladas no programa de doutoramento elixido.

Na memoria de verificación e na oferta dos programas poderán establecerse requisitos e criterios adicionais para a selección e admisión de estudantes ([anexo XI](#))

De ser o caso, a Comisión Académica do Programa de Doutoramento indicará, xunto coa admisión de cada alumno/alumna, os complementos de formación que deben cursar, ata un máximo de 15 ECTS. Así mesmo, trasladará ao Servizo de Xestión de Estudos de Posgrao, despois da publicación das listaxes definitivas das persoas admitidas, a notificación de ditos complementos de formación para que sexan configurados no plano de estudos correspondente.

Os complementos de formación deberán superarse no prazo máximo dun curso académico e terán, a efectos de prezos públicos e de concesión de becas e axudas ao estudo, a consideración de formación de nivel de doutoramento.

A matrícula nestes complementos de formación realizarase directamente na secretaría do centro de adscrición do programa do 1 ao 7 de outubro de 2023.

4.- Na páxina 35 onde di "...Lei orgánica 6/2001 de 21 de decembro" debe dicir "...Lei orgánica 2/2023, de 22 de marzo". E onde di "Concretamente, o artigo 46.3º da Lei orgánica 6/2001, de 21 de decembro,..." debe dicir "Concretamente, o artigo 3.2.I da Lei orgánica 2/2023, de 22 de marzo,...". (erro)

5.- Na páxina 41, Anexo I, no apartado de Outros Prazos/ Anulación de matrícula para másteres que cobren prazas no primeiro prazo de preinscrición on dice "ata o 30 de setembro" debe dicir "ata o 29 de setembro" (erro)

A presente Resolución reitoral publicarase no taboleiro electrónico e entrará en vigor e terá efectos para a matrícula en titulacións oficiais de posgrao para o curso académico 2023/2024.

En Vigo a 2 de agosto de 2023.

O REITOR,
EL RECTOR,

Manuel Joaquín Reigosa Roger